

唐
四
家
詩


李
賀
長
吉



李賀長吉著

箜篌引

天高秋空山凝雲
顏不流江娥啼竹素
中國彈箜篌
琨山玉碎鳳凰叫
芙蓉泣
二門前融冷光
二十三絲動紫皇
女
一
震石破天驚
逗秋雨
夢入神山教神
三
寶不眠倚桂樹
露腳斜飛



歸綠鬢年少金

欲暮春辭去落花起

才知數沈郎青錢夾城路

稽歌

吾於梁時嘗作宮體謠引以應和皇
及國世淪敗肩吾先潛難會稽後始還
侯意其必有遺文今無得焉故作還自
稽歌以補其悲

椒壁黃濕螢滿梁殿臺城應教人秋衾夢銅
輦吳霜點歸鬢身與塘蒲晚脉脉辭金魚羈臣守

述賤

出城寄權璩楊敬之

白萬里春宮花拂面送行人自言漢劍當
述車載病身

後還家一日餘歸醺今夕酒緗帙去時
在在人間底事無何須問牛馬拋擲任

華生筍徑苔色拂霜

三梁曾入用一節奉

御溝水

宮人正靨黃遠堤龍骨冷拂岸鴨頭
心夢停杯泛小觴幸因流浪處暫得見

奉禮憶昌谷山居

馬蹄痕衙回自閉門長鎗江米熟小樹棗花
一壁懸如意當簾閱角巾大書曾去洛鶴病悔
遊秦土甌封茶葉山杯銷竹根不知船上月誰棹

滿溪雲

七夕

朝暗羅帷午夜愁鵲辭穿線月花入曝衣
金鏡人間望玉鈎錢塘蘇小小更值一

宮簾阻御花雲生朱絡暗石斷紫錢
殘露銀燈點舊紗蜀王無近信泉上有

五之歌并序

沈亞之元和 年以書不中第返歸
江吾悲其行無錢酒以勞又感沈之
歌一解以勞之

春風桃花滿陌千里紅紫絲竹斷驄
多塘東復東白藤交穿織書笈短策齊
凡夾雄光寶礦獻春卿烟底鷺波乘一葉春
白日下擲置黃金解龍馬攜笈歸江重入
月勞：誰是憐君者吾聞壯夫重心骨古人三走
無摧粹請君待旦事長鞭他日還轅及秋律

詠懷二首

長卿懷茂陵綠艸垂石井彈琴看文君春風吹鬢
影梁王與武帝棄之如斷梗唯留一簡書金泥泰

山頂

二

日夕看書罷驚霜落素絲鏡中聊自笑詎是南山
期頭上無幅巾苦藥已染衣不見清溪魚飲水得
相宜

追和柳惲

白蘋艸柳惲乘馬歸江頭櫺樹香岸上蝴蝶
乘露王軫蜀桐虛朱樓通水陌沙暖一

魚

春坊正字劔子歌

先輩匣中三尺水曾入吳潭斬龍子隙月斜明刮
露寒練帶平鋪吹不起蛟胎皮老蒺藜刺鷓鴣淬
花白鷓尾直是荆軻一片心莫教照見春坊字授
絲團金懸嚴毅神光欲截藍田玉提出西方白帝
驚嗷嗷鬼母秋郊哭

貴公子夜闌曲

裏裏沉水烟鳥號夜闌景曲沼芙蓉波腰圍白玉
冷

鴈門太守行

黑雲壓城：欲摧甲光向日金鱗門角聲滿天秋
色裏塞上燕脂凝夜紫半捲紅旗臨易水霜重鼓
寒聲不起報君黃金臺上意提攜玉龍為君死

大堤曲

妾家住橫塘紅紗滿桂香青雲教縮頭上髻明月
與作耳邊璫蓮風起江畔春大堤上留北人即食
鯉魚尾妾食猩：脣莫指襄陽道綠浦歸帆少今
日菖蒲花明朝楓樹老

蜀國絃

楓香晚花靜錦水南山影驚石墜猿哀竹雲愁半
嶺涼月生秋浦玉沙粼粼光誰家紅淚客不忍過
瞿塘

蘇小小墓

幽蘭露如啼眼無物結同心烟花不堪剪草如茵
松如蓋風為裳水為珮油壁車久相待冷翠燭勞
光彩西陵下風吹雨

夢天

老兔寒蟾泣天色雲樓半開壁斜白玉輪軋露濕
圓光鸞珮相逢桂香陌黃鹿清水三山下更變千

年如走馬遙望齊州九點烟一泓海水杯中瀉

唐見歌

頭玉硯一省刷翠杜郎生得真男子骨重神寒天
廟器一雙瞳人剪秋水竹馬稍稍搖綠尾銀鸞啖
光踏半臂東家嬌娘求對值濃笑青空作唐字眼
大心雄知所以莫忘作歌人姓李

綠章封事

青霓扣額呼宮神鴻龍玉狗開天門石榴花發滿
溪津溪女洗花染白雲綠章封事謔元父六街馬
蹄浩無主虛空風氣不清冷短衣小冠作塵土金

家香街千輪鳴揚雄秋室無俗聲願攜漢戟招書
鬼休令恨骨填蒿里

河南府試十二月樂詞

正月

上樓迎春新春歸暗黃著柳宮漏遲薄：淡靄弄
野姿寒綠幽風生短絲錦牀曉卧玉肌冷露臉未
開對朝暝官街柳帶不堪折早晚菖蒲勝綰結

二月

飲酒採桑津宜男艸生蘭笑人蒲如交劔風如薰
勞勞鸞鷲外酣春薇帳逗因生綠塵金翹峨髻愁

暮雲昏颯起舞真珠裙津頭送別唱流水酒客背
寒南山死

三月

東方風未滿眼春花城柳暗愁殺人複宮深凝竹
風起新翠舞衿淨如水光風轉蕙百餘里暖霧驅
雲撲天地軍裝宮妓授蛾淺搖：錦旗夾城暖曲
水飄香去不歸梨花落盡成秋苑

四月

曉涼暮涼樹如蓋千山濃綠生雲外依微香雨青
氛盞膩葉蟠花照曲門金塘閑水搖碧漪老景沉

重無驚飛墮紅綫萼暗參差

五月

雕玉押簾額輕縠籠虛門井汲鉛華水扇織鴛鴦
紋迴雪舞涼致甘露洗空綠羅袖從徊翔香汗露
寶粟

六月

裁生羅伐湘竹帔拂疎霜簟秋玉炎炎紅鏡東方
開暈如車輪上徘徊秋秋赤帝騎龍來

七月

星依雲渚冷露滴盤中圓好花生木末衰蕙愁空

園夜天如玉砌池葉極青錢
簾寒曉風何拂拂北斗光闌干

八月

嬾妾怨長夜獨客夢歸家傍簷蟲緝絲向壁燈垂
花簾外月光吐簾內樹影斜悠々飛露姿點綴池
中荷

九月

離宮散螢天似水竹黃池冷芙蓉死月綴金鋪光
脉脉涼苑虛庭空澹白露花飛々風艸々翠錦爛
斑滿層道雞人罷唱曉瓏璵鴟啼金井下疎桐

十月

玉壺銀箭稍難傾
缸花夜笑疑幽明
碎霜斜舞上羅幕
燭龍兩行照飛閣
珠帷怨卧不成眠
金鳳刺衣著
體寒長眉對月鬪鸞環

十一月

宮城團迴凜嚴光
白天碎：墮瓊芳
過鍾高飲千日酒
戰却凝寒作君壽
御溝泉合如環
素火井温泉在何處

十二月

日腳淡光紅灑灑
薄霜不銷桂枝下
依稀和氣排

冬嚴已就長日辭
長夜

閏月

帝重光
年重時七十二
候迴環
推天宮街
瑄灰剩飛
今歲何長
來歲逢王母
移桃獻天子
羲氏和氏
遷龍轡

天上謠

天河夜轉漂迴星
銀浦流雲學水聲
王宮桂樹花未落
仙妾採香垂珮纓
秦妃卷簾北牕曉
窓前植桐青
鳳小王子吹笙
鵝管長吁龍耕烟
種瑤草粉霞紅
綬藕絲裙青洲步
拾蘭茗春東
指羲和能走

馬海塵新生石山下

浩歌

南風吹山作平地帝遣天吳移海水王母桃花千
遍紅彭祖巫咸幾迴死青毛驄馬參差錢嬌春楊
柳含細烟箏人勸我金屈危神血未凝身問誰不
須浪飲丁都護世上英雄本無主買絲編作平原
君有酒唯澆趙州土漏催水烟玉蟾蜍衛娘髮薄
不勝梳看見秋眉換新綠二十男兒那刺促

秋來

桐風驚心壯士苦衰燈絡緯啼寒素誰看青簡一
編書不遣花蟲粉空霧思牽今夜腸應直雨冷香
魂弔書客秋墳鬼唱鮑家詩恨血千年土中碧

帝子歌

洞庭帝子一千里涼風鴈啼天在水九節菖蒲石
上死湘神彈琴迎帝子山頭老桂吹古香雌龍怨
吟寒水光沙浦走魚白石郎閒取真珠擲龍堂

秦王飲酒

秦王騎虎遊八極劍光照空天自碧羲和敲日玻
黎聲劫灰飛盡古今平龍頭瀉酒邀酒星金槽琵琶
夜長長洞庭雨腳來吹笙酒酣喝月使倒行銀

雲櫛櫛瑤殿明宮門掌事報一更花樓玉鳳聲嬌
擗海綃紅文香淺清黃鵝跌舞千年觥仙人燭樹
螭烟輕清琴醉眼淚泓泓

洛姝真珠

真珠小娘下青郭洛苑香風飛綽：寒髻斜釵玉
燕光高樓唱月敲懸璫蘭風桂露灑幽翠紅絃裏
雲咽深思花袍白馬不歸來濃蛾疊柳香脣醉金
鵝屏風蜀山夢鸞裾鳳帶行烟重八驄籠晃臉差
移日絲繁散燠羅洞市南曲陌無秋涼楚腰衛髻
四時芳玉喉窸：排空光牽雲曳雪留陸郎

李夫人

紫皇宮殿重重開夫人飛入瓊瑤臺綠香繡帳何
時歇青雲無光宮水咽翻聯桂花墜秋月孤鸞驚
啼商絲發紅壁闌珊懸珮璫歌臺小妓遙相望玉
蟾滴水雞人唱露華蘭葉參差光

走馬引

我有辭鄉劍玉鋒堪截雲襄陽走馬客意氣自生
春朝嫌劍花淨暮嫌劍光冷能持劍向人不解持
照身

湘妃

筠竹千年老不死長伴秦娥蓋湘水蠻娘吟弄滿
塞空九山靜綠淚花紅離鸞別鳳烟梧中巫雲蜀
雨遙相通幽愁秋氣上青楓涼夜波間吟古龍

南園十三首

花枝艸蔓眼中開小白長紅越女腮可憐日暮媽
香落嫁與春風不用媒

二

宮北田塍曉氣酣黃桑飲露宰宮簾長腰健婦偷
攀折將餒吳王八繭蠶

三

竹裏繅絲桃網車青蟬獨噪日光斜桃膠迎夏香
琥珀自課越儂能種瓜

四

三十未有二十餘白日長饑小甲荒橋頭長老相
哀念因遺戎韜一卷書

五

男兒何不帶吳鉤收取關山五十州請君暫上凌
烟閣若箇書生萬戶侯

六

尋章摘句老雕蟲曉月當簾掛玉弓不見羊車遼

海上文章何處哭秋風

七

長卿牢落悲空舍謾倩詼諧取自容見買若耶溪
水劍明朝歸去事猿公

八

春水初生乳燕飛黃蜂小尾撲花歸
牕含遠色通書幌魚擁香鉤近石磯

九

泉沙奕卧鴛鴦暖曲岸回篙舴艋遲
瀉酒木蘭椒葉蓋病容扶起種菱絲

十

邊壤今朝憶蔡邕無心裁曲卧春風
舍南有竹堪書字老去溪頭作釣翁

十一

長巖谷口倚嵇家白晝千峯老翠華
自履藤鞋收石蜜手牽苔絮長莖花

十二

松溪黑水新龍卵桂洞生硝舊馬牙
誰遺虞卿裁道帔輕綃一疋染朝霞

十三

小樹開朝迳長茸濕夜烟柳花驚雪浦麥雨漲溪
田古刹踈鐘度遙嵐破月懸沙頭敲石火燒竹照
魚船

金銅仙人辭漢歌

魏明帝青龍元年八月詔宮官牽車西取漢孝
武捧露盤仙人欲立置殿前宮官旣折盤仙人
臨載乃潛然淚下唐諸王孫李長吉遂作金銅
仙人辭漢歌

茂陵劉郎秋風客聞馬嘶曉無跡畫欄桂樹懸
秋香三十六宮土花碧魏宮牽車指千里東關酸

風射眸子空將漢月出宮門憶君清淚如鉛水衰
蘭送客咸陽道天若有情天亦老攜盤獨出月荒
涼渭城已遠波聲小

古悠悠行

白景歸西山碧華上迢迢今古何處盡千歲隨風
飄海波變成石魚沫吹秦橋空光遠沈浪銅柱從
年消

黃頭郎

黃頭郎撈攏去不歸南浦芙蓉影愁紅獨自垂水
弄湘娥珮竹啼山露月玉瑟調青門石雲濕黃葛

沙上薜蘿花秋風已先發好持掃羅薦香出鴛鴦
熱

馬詩二十三首

龍脊貼連錢銀蹄白踏烟無人織錦韉誰為壽金
鞭

二

臘月草根甜天街雪似鹽未知口硬軟先擬蒺藜
銜

三

忽憶周天子驅車上玉山鳴騶辭鳳苑赤驥最承

恩

四

此馬非凡馬房星本是星向前敲瘦骨猶自帶銅
聲

五

大漠沙如雪燕山月似鉤何當金絡腦快走踏清
秋

六

饑卧骨查牙麤毛刺破花鬣焦朱色落髮斷鋸長
麻

七

西母酒將闌東王飯已乾
君王若燕去誰為拽車
轅

八

赤兔無人用當須呂布騎
吾聞果下馬羈策任蠻
兒

九

颼叔去忽忽如今不
秦龍夜來霜壓棧駮骨折西
風

十

催榜波烏江神
騅泣向風君王今解劍何處逐英
雄

十一

內馬賜宮人銀韉刺麒麟
午時鹽坂上躡蹠溘風
塵

十二

批竹初攢耳桃花未上身
他時須攪陣牽去借將
軍

十三

寶玦誰家子長聞俠骨香
堆金買駿骨將送楚襄

王

十四

香襍赭羅新盤龍蹙鎧鱗迴看南陌上誰道不逢春

十五

不從桓公獵何能伏虎威一朝溝隴出看取拂雲飛

十六

唐鈞斬隋公拳毛屬太宗莫嫌金甲重且去捉飄風

十七

白鐵剉青禾碓聞落細莎世人憐小頸金將畏長牙

十八

伯樂向前看旋毛在復間祇今培白艸何日驀青山

十九

蕭寺馱經馬元從竺國來空知有善相不解走章臺

二十

重圍如燕尾寶劍似魚腸欲求千里脚先采眼中光

二十一

暫繫騰黃馬仙人上綵樓須鞭玉勒吏何事謫高州

二十二

汗血到王家隨鸞撼玉珂少君騎海上人見是青螺

二十三

武帝愛神仙燒金得紫烟鹿中皆肉馬不解上青

天

申胡子感策歌并序

申胡子朔客之蒼頭也朔客李氏本亦世家子得祀江夏王廟當年踐履失序遂奉官北郡自稱學長調短調久未知名今年四月吾與對舍於長安崇義里遂將衣質酒命予合飲氣熱杯闌因謂吾曰李長吉爾徒能長調不能作五字歌詩直強迴筆端陶謝詩勢相遠幾千里吾對後請撰申胡子感策歌以五字斷句歌成右左人合譟相唱朔客大喜擊觴起立命花娘出幕

徘徊拜客吾問所宜稱善平弄於是以此

辭配聲與予為壽

顏熱感君酒含嚼蘆中聲花娘簪綬安休睡芙蓉
屏誰截太平管列點排空星直貫開花風天上驅
雲行今夕歲華落令人惜年生心事如波濤中坐
時時驚翔客騎白馬劍死懸蘭纓俊健如生綠首
拾蓬中螢

老夫採玉歌

採玉採玉須水碧琢作步搖徒好色老夫饑寒龍
為愁藍溪水氣無清白夜雨岡頭食蓂子杜鵑口

血老夫淚藍溪之水獸生人身死千年恨溪水斜
山栢風雨如嘯泉腳掛繩青裊裊村寒白屋念嬌
嬰古臺石磴懸揚州

傷心行

咽：學楚吟病骨傷幽素秋姿白髮生木葉啼風
雨燈青蘭膏歇落照飛娥舞古壁生凝塵羈魂夢
中語

胡中曲

長眉越沙採蘭若桂葉水英春漠漠橫倚醉眠白
晝閒渡口梅風歌扇薄燕釵玉妝照青渠越王嬌

郎小字書蜀紙封巾報雲鬢晚漏壺中水淋盡

黃家洞

雀步蹙沙聲促促四尺角弓青石鏃黑幡三點銅
鼓鳴高作猿啼搖箭箠綵巾纏跨幅半斜溪頭簇
墜映葛花山潭晚霧吟白鼉竹蛇飛霧射金沙閑
驅竹馬緩歸家官軍自敘容州槎

弄風曲

蝶棲石竹銀交關水凝綠鴨瑤瑤錢團迴六曲抱
膏蘭將鬟鏡上擲金蟬沉香火煖茱萸烟酒斛縮
帶新承觀月風吹露屏外寒城上烏啼楚女眠

南山田中行

秋野明秋風白塘水漻漻蟲嘖嘖雲根苔蘚山上
石冷紅泣露嬌帝色荒畦九月稻叉牙蟄螢低飛
隴迳斜石脉水流泉滴沙鬼燈如漆照松花

貴主征行樂

奚騎黃銅連鎖甲羅旗香幹金畫葉中軍留醉河
陽城嬌嘶紫燕踏花行春營騎將如紅玉走馬梢
鞭上空綠女垣素月角咿咿牙帳未開分錦衣

酒罷張大徹索贈詩張初効潞幕

長鬣張郎三十八天遣裁詩花作骨往還誰是龍

頭人公主遣秉魚須芻水行青草上白衫匣中章
奏密如蠶金門石閣知鄉有鷹角雞香早晚含隴
西長吉摧顏客酒闌感覺中區窄葛衣斷碎趙城
秋吟詩一夜東方白

羅浮山人與葛篇

依依宜織江雨空雨中六月蘭臺風博羅老仙時
出洞千歲石牀啼鬼工蛇毒濃凝洞堂濕江魚不
食銜沙立欲剪箱中一尺天吳娥莫道吳刀澁

仁和里雜叙皇甫湜

大人乞馬癯乃寒宗人貸宅荒厥垣橫庭舅逕空

土澁出籬大棗垂珠殘安定美人截黃綬脫落纓
裾瞑朝酒還家白筆未上頭使我清聲落人後枉
辱稱知犯君眼排引纜陞強絙斷洛風送馬入長
闌闔扇未開逢猥犬那知聖都相州州客枕幽單
看春老歸來骨薄面無膏疫氣衝頭鬢莖少欲雕
小說干天官宗孫不調為誰憐明朝下元復西道
崆峒飲別長如天

宮娃歌

蟄光高懸照紗空花房夜擣紅守宮象口吹香罷
甃暖七星掛城闌漏板寒入果魚斂影昏彩鸞簾

額著霜痕啼蝓吊月鈎欄下屈膝銅鋪鏤阿甄夢
入家門上沙渚天河落處長州路願君光明如太
陽放妾騎魚撒波去

堂堂

堂堂復堂堂紅脫梅灰香十年粉霧生畫梁饑蟲
不食摧碎黃蕙花已老桃葉長禁院懸簾隔御光
華清源中礬石湯徘徊白鳳隨君王

勉愛行三首送小季之廬山

洛郊無俎豆弊廡斬老馬小鴈過鑪峯影落楚水
下長船倚雲泊石鏡秋涼夜豈解有鄉情弄月聊

鳴啞

二

別柳當馬頭官槐如兔目欲將千里別持我易斗
粟

三

南雲北雲空脉斷靈臺經絡懸春綫青軒樹轉月
滿牀下國饑兒夢中見維爾之昆二十餘年來持
鏡頗有鬚辭家三載今如此索米王門一事無荒
溝古水光如刀庭南拱柳生鱗鱗江子幼客真可
念郊原曉吹悲號號

致酒行

零落棲遲一杯酒主人奉觴客長壽主父西遊困
不歸家人折斷門前柳吾聞馬周昔作新豐客天
荒地老無人識空將殘上兩行書直犯龍顏請恩
澤我有迷魂招不得雄雞一聲天下白少年心事
當拏雲誰念幽寒坐鳴呃

長歌續短歌

長歌破衣襟短歌斷白髮秦王不可見旦夕成內
熱渴飲壺中酒饑投隴頭粟淒淒四月闌千里一
時綠夜峯何離離明月落石底徘徊沿石尋照出
高峯外不得與之遊歌成鬢先改

公莫舞歌

公莫舞歌者詠項伯翼蔽劉沛公也會中壯士
灼灼於人故無復書且南北樂府率有歌引賀
陋諸家今重作公莫舞歌云

方花古礎排九楹刺豹淋血盛銀鬕華筵鼓吹無
桐竹長刀直立刻雞箏橫楫麓錦生紅緯日炙錦
媽玉未醉腰下三看寶玦光項莊掉箭欄前起材
官小臣公莫舞座上真神赤龍子芒碭雲端抱天
迴咸陽王氣清如水鐵樞捷重束閤大旗五丈撞

雙鏤漢王今日頒秦印絕贖剗腸臣不論

昌谷北園新笋四首

籜落長竿削玉開君看母笋是龍材更容一夜抽
千尺別却池園數寸泥

二

砍取青光寫楚辭膩香春粉黑離、無情有恨何
人見露壓烟啼千萬枝

三

家泉石眼兩三莖曉看陰根紫陌生今年水曲春
沙上笛管新篁拔玉青

四

古竹老梢惹碧雲茂陵歸卧嘆清貧風吹千畝迎
雨嘯鳥重一枝入酒樽

惱公

宋玉愁空斷嬌婉粉自紅歌聲春艸露門掩杏花
叢注口櫻桃小添眉桂葉濃曉奩粧秀鬢夜帳減
香筒鈿鏡飛孤鵲洪圖畫水荇陂陀梳碧鳳腰裊
帶金蟲杜若含清露河蒲聚紫茸月分蛾黛破花
合鬢朱融髮重疑盤霧腰輕乍倚風寄書題豆蔻
隱語笑芙蓉莫鎖茱萸匣休開翡翠籠弄珠驚漢

燕燒蜜引胡蜂醉，纈拋紅網單羅掛。綠蒙數錢教
姹女買藥問，已實勻臉安斜。鴈移燈想夢，熊腸攢
非束竹弦急。是張弓晚樹迷新蝶，殘蛻憶斷虹古。
時填渤海金日鑿，崆峒繡香囊長慢羅裙結。短封
心搖如舞鶴，骨出似飛龍。井檻淋清漆，門鋪綴白
銅。隗花開兔逕，向壁印孤蹤。玳瑁釘簾薄，琉璃疊
扇烘。象牀綠素栢，瑤席卷香葱。細管吟朝幌，芳醪
落夜楓。宜男生楚巷，梳子發金墉。龜甲開屏泣鴉
毛，滲墨濃。黃庭留衛瓘，綠樹養韓馮。雞唱星懸柳
鷓啼露滴，桐黃娥初出生。寵妹始相從，蠟淚垂蘭

燼秋蕪掃綺櫳，吹笙翻舊引。沽酒待新豐，短佩愁
填粟長弦怨。削崧曲池眠，乳鴨小閣睡。娃僮褥縫
蓼，雙綫鈎緇辯。五驄蜀煙飛，重錦峽雨濺。輕容拂
鏡羞，溫嶠熏衣避。賈充魚生玉藕下，人在石蓮中。
含水鸞蛾翠，登樓溟馬髮。使君居曲陌，園令住臨
邛。桂火流蘇暖，金爐細炷通。春遲王子態，鶯轉謝
娘慵。玉漏三星曙，銅街五馬逢。犀株防膽怯，銀液
鎮心忪。跳脫看羊命，琵琶道吉凶。王時應七夕，夫
位在三宮。無力塗雲母，多方帶藥翁。符因青鳥送，
囊用絳紗縫。漢苑尋官柳，河橋闕禁鐘。月明中婦

覺應笑畫堂空

感諷五首

合浦無明珠龍洲無木奴足知造化力不給使君
須越婦未織作吳蠶始蠕蠕縣官騎馬來犂色虬
紫鬚懷中一方板板上數行書不因使君怒馬得
詣爾廬越婦拜縣官桑牙今尚小會待春日宴絲
車方擲棹越婦通言語小姑具黃梁縣官踏食去
簿吏復登堂

二

奇俊無少年日車何躡躡我待紆雙綬遺我星星

髮都門賈生墓青蠅久斷絕寒食垂楊天憤景長
肅殺皇漢十二帝唯帝稱睿哲一夕信豎見文明
永淪歎

三

南山何其悲鬼雨灑空州長安夜半秋風剪春姿
老低迷黃昏逕裊：青櫟道月午樹立影一山唯
白曉漆炬迎新人幽壙螢擾：

四

星盡四方高萬物知天曙已生須已養荷擔出門
去君平久不反康伯遁國路曉思何說說闌闌千

人語

五

石根秋水明石畔秋艸瘦侵衣野竹香螿螿垂葉
厚岑中月歸來蟾光掛空秀桂露對仙娥星星下
雲逗淒涼梔子落山壘泣清漏不有張仲蔚披書
案將朽

三月過行宮

渠水紅蘩擁御墻風嬌小葉學娥粧垂簾幾度青
春老堪鎖千年白日長

追和何謝銅雀妓

佳人一壺酒秋容滿千里石馬卧新烟憂來何所
侶歌聲且潛弄陵樹風自起長裾壓高臺淚眼看
花機

送秦光祿北征

北虜膠堪折秋沙亂曉輦髯胡頻犯塞驕氣侶橫
霓灞水樓船渡營門細柳開將軍馳白馬豪彥騁
雄材箭射攬槍落旗懸日月依榆稀山易見甲重
馬頻嘶天遠星光沒沙艸葉齊風吹雲路火雪汗
玉闥泥屢斷呼韓頸曾笑董卓濟太常猶舊寵光
祿是新濟寶玦麒麟起銀壺拂欽帝桃花連馬發

綵絮撲鞍來呵臂懸金斗當脣注玉壘清蘇和碎
蟣紫膩卷浮杯虎鞞先蒙馬魚腸且斷犀趨趨西
旅狗戲額北方奚守帳然香暮看鷹永夜棲黃龍
就別鏡青塚念陽臺周處長橋役候調短弄衰錢
塘階鳳羽正室劈鸞釵內子攀琪樹羌兒奏落梅
今朝擎劍去何日刺蛟迴

酬答二首

金魚公子夾衫長密裋腰鞞割玉方行處春風隨
馬尾柳花偏打內家香

二

雍州二月梅池春御水鳩鵲暖白蘋試問酒旗歌
板地今朝誰是柸花人

畫角東城

河轉曙蕭蕭鷓飛睥睨高旆長標越甸壁冷掛吳
刀淡菜生寒日鮪魚溼白濤水花沾林額旗鼓夜
迎潮

謝秀才自妾編練改從於人秀才引留之不
得後生感憶座人製詩朝謂賀後繼四首

誰知泥憶雲望斷梨花春荷絲製機練竹葉剪花
裙月明帝阿姊燈暗會良人也識君夫壻金魚掛

在身

二

銅鏡立青鸞燕脂拂紫綿腮花弄暗粉眼尾泪侵
寒碧玉破不復琴瑤重撥絃今日非昔日何人敢
正看

三

洞房思不禁蜂子作花心灰暖殘香炷髮冷青蟲
簪夜遙燈焰短睡熟小屏深好作鶯鶯夢南城罷
擣碓

四

尋常輕宋玉今日嫁文鸞戟幹橫龍箴刀環倚桂
窻邀人裁半袖端坐據胡床淚濕紅輪重栖烏上
井染

昌谷讀書示巴童

蟲響燈光薄霄寒藥氣濃君憐垂翅客辛苦尚相
從

巴音答

巨鼻宜山褐龐眉入苦吟非君唱樂府誰識怨秋
深

代崔家送客

行蓋柳烟下馬蹄白翩翩恐隨送處盡何忍重揚
鞭

出城

雪下桂花稀啼鳥被彈歸關水乘驢影秦風帽帶
垂入鄉試萬里無印自堪悲卿卿忍相問鏡中雙
淚姿

莫種樹

園中莫種樹種樹四時愁獨睡南牀月今秋侶去
秋

將發

東牀卷席罷護落將行去秋白遙、空日滿門前
踞

追賦畫江潭苑四首

吳苑曉蒼、宮衣水濺黃小鬟紅粉薄騎長珮珠
長路指臺城迴羅薰袴褶香行雲霑翠輦今日似
襄王

二

寶袜菊衣單蕉花蜜露寒水光蘭澤葉重帶剪刀
錢角暖盤弓易靴長上難淚痕霑寢帳勻粉照
金鞍

三

剪翅小鷹斜緇根玉鏃花鞞垂粧鈿粟箭箠釘文
牙鬻鬻啼深竹鷓鴣老濕沙宮官燒蠟火飛燼汚
鉛華

四

十騎簇芙蓉宮衣小隊紅練香燻宋鵲尋箭踏盧
龍旗濕金鈴重霜乾玉鐙空今朝畫眉早不待景
陽鐘

潞州張大宅病酒遇江使上十四兒

秋至昭關後當知趙國寒繫書隨短羽寫恨破長

殘病客眠清曉踈桐墜綠鮮城鷓鴣粉堞軍吹壓
蘆烟岸憤寒沙隄枯塘卧折蓮木牕銀跡畫石磴
水痕錢旅酒侵愁肺離歌繞懦絃詩封兩條淚露
析一枝蘭莎老沙難泣松乾尾獸殘覺騎燕地馬
夢載楚溪船椒桂傾長席鱸斲玳筵豈能忘舊
路江島滯佳年

難忘曲

夾道開洞門弱楊低畫戟簾影竹華起簫聲吹日
色蜂語繞粧鏡拂蛾學春碧亂繫丁香梢滿欄花
向夕

賈公闕貴督曲

朝衣不須長分花對袍縫嬰、白馬來滿腦黃金
重今朝香氣苦珊瑚澁雞枕且耍弄風人暖蒲沙
上飲燕語踏簾鈎日虹屏中碧潘令在河陽無人
死芳色

夜飲朝眠曲

觴酣出座東方高腰橫半解星勞勞柳花鷓啼公
主醉薄露壓花蕙蘭氣玉轉濕絲牽曉水熟粉生
香琅玕紫夜飲朝眠斷無事楚羅之幃臥皇子

王濬墓下作

人間無阿童猶唱水中龍白艸侵烟死秋藜澆地
紅古書平黑石神劔斷青銅耕勢魚鱗起墳科馬
鬣封菊花垂濕露棘逕卧乾蓬松柏愁香澁南園
幾夜風

客遊

悲滿千里心日暖南山石不謁承明廬老作平原
客四時別家廟三年去鄉國旅歌屢彈鋏歸問時
裂帛

崇義里滯雨

落莫誰家子來感長安秋壯年抱霸恨夢泣生白

頭瘦馬秣敗艸雨沫飄寒溝南宮古簾暗濕景傳
籤籌家山遠千里雲脚天東頭憂眠枕劔匣客帳
夢封侯

馮小憐

灣頭見小憐請上琵琶絃破得東風恨今朝直幾
錢裙垂竹葉帶鬢濕杏花烟玉冷紅絲重齊宮妾
駕鞍

贈陳商

長安有男兒二十心已朽楞伽堆案前楚辭繫肘
後人生有窮拙日暮聊飲酒祇今道已塞何必須

白首淒淒陳述聖披褐鉏俎豆學爲堯舜文時人
責哀偶柴門車轍凍日下榆影瘦黃昏訪我來苦
節青陽皴太華五千仞劈地抽森秀旁古無寸尋
一上長牛斗公卿縱不言寧能鑠吾口李生師太
華大生看白晝逢雪作樸檉得氣爲春柳禮節乃
相去顛顛如芻狗風雪直齋壇墨組貫銅綬臣妾
氣態間唯欲承箕箒天眼何時開古劔庸一吼

釣魚詩

秋水釣紅藥仙人待素書菱絲縈獨蒲菰米蟄雙
魚斜竹垂青沼長輪貫碧虛餌懸春蜥蜴釣墜小

蟾蜍唐子情無限龍陽恨有餘為看烟浦上楚女
淚沾裾

奉和二兄罷使遣馬歸延州

空留三尺劔不用以丸泥馬向沙場去人歸故園
未笛愁翻隴水酒喜瀝春灰錦帶休驚鴈羅衣向
鬪雞還吳已渺、入郢莫淒、自是桃李樹何畏
不成蹊

答贈

本是張公子曾名萼綠華沉香燼小像楊柳伴啼
鴟露重金泥冷杯闌玉樹斜琴堂沽酒客新買後

園花

題趙生壁

大婦然竹根中婦春玉屑冬暖拾松枝日烟生蒙
滅木蘚青桐老石泉水聲發曝背卧東亭桃花滿
肌骨

感春

日暖自蕭條花悲北郭騷榆穿菜子眼柳斷舞兒
腰上幕迎神燕飛絲送百勞胡琴今日恨急語向
檀槽

仙人

彈琴石壁上翻翻一仙人手執白鸞尾夜歸南山
雲鹿飲寒澗下魚歸清海濱當時漢武帝書報桃
花春

河陽歌

梁羅衣秋藍難著色不是無心人為作臺印客花
燒中潭城顏即身已老惜許兩少年抽心似春艸
今日見銀牌今夜鳴玉燕牛頭高一尺隔坐應相
見月從東方來酒從東方轉船飲口紅蜜炬千
枝爛

花遊曲并序

寒食日諸王妓遊賀入座因採梁簡文詩調賦
花遊曲與妓彈唱

春柳南陌態冷花寒露姿今朝醉城外拂鏡濃掃
眉烟濕愁車重紅油覆畫衣舞裙香不暖酒色上
來遲

春晝

朱城報春更漏轉光風催蘭吹小殿艸細堪梳柳
長如練卷衣秦帝掃粉趙燕日含畫幕蜂上羅薦
平陽花塢河陽花縣越婦楮機吳蠶作繭菱汀繫
帶荷塘倚扇江南有情塞北無限

安樂宮

深井桐烏起尚復牽情水未盥邵陵瓜瓶中弄長
翠新城安樂宮宮如鳳凰翅歌迴蠟板鳴左棺提
壺使綠繁悲水曲茱萸別秋子

蝴蝶飛

楊花撲帳春雲熱龜甲屏風醉眼纈東家蝴蝶西
家飛白騎少丰今日歸

梁公子

風彩出蕭家本是舊萼花南塘蓮子熟洗馬走江
涯御殘銀洙冷長葦鳳窠斜種柳營中暗題書賜

館娃

牡丹種曲

蓮枝未長秦蘅老走馬馱金斲春艸水灌香泥却
月盆一夜綠房迎白曉美人醉語園中烟晚華已
散蝶又闌梁王老去羅衣在拂袖風吹蜀國絃歸
震魄拖蜀帳昏媽紅落粉罷承恩檀郎謝女眠何
處樓庭月明燕夜語

後園鑿井

井上轆轤牀上轉水聲繁絃聲淺情若何荀奉倩
城頭日長向城頭住一日作千年不須流下去

開愁歌

秋風吹地百草乾華容碧影生曉寒我當二十不
得意一心愁謝如枯蘭衣如飛鷄馬如狗臨岐繫
劍生銅吼旗亭下馬解秋衣請貫宜陽一壺酒壺
中喚天雲不開白晝萬里閒淒迷王人勸我養心
骨莫受俗物相填狹

秦宮詩并序

漢人秦宮將軍梁冀之嬖奴也秦宮得寵內舍
故以驕名大譟於人予撫舊而作長辭以為子
都之事相為對望又云昔有之詩

越羅衫袂迎春風玉刻麒麟腰帶紅樓頭曲宴仙
人語帳底春笙香霧濃人間酒暖春茫茫花枝入
簾白日長飛牕複道傳籌飲十夜銅盤膩燭黃禿
衿小袖調鸚鵡紫繡麻霞踏哮虎斫桂燒金待晚
筵白鹿清酥夜半煮桐英永巷騎新馬內屋深屏
生色畫開門爛用水衡錢卷起黃河向身瀉皇天
厄運猶曾裂秦宮一生花裏活鸞篋奪得不還人
醉睡氎毼滿堂月

古鄴城童子謔效王粲刺曹操

鄴城中暮塵起探黑丸斫文吏棘為鞭虎為馬團

團走鄴城下切玉劔射日弓獻何人奉相公扶藪
來關右兒香掃塗相公歸

楊生青花紫石硯歌

端州石工巧如神踏天磨刀割紫雲傭剝抱水含
滿脣暗灑萋弘冷血痕紗帷晝暖墨花春輕漚漂
沫松麝薰乾臧薄重立脚勻數寸光秋無日昏圓
毫促點聲靜新孔硯寬頑何足云

房中思

新桂如蛾眉秋風吹小綠行輪出門去玉鸞聲斷
續月軒下風露曉庭白幽澁誰能事貞素卧聽莎

雞泣

石城曉

月落大堤上女垣棲鳥起細露濕團紅寒香解夜
醉女牛渡天河柳烟滿城曲上客留斷纓殘蛾闌
隻綠春帳依微蟬翼羅橫茵突金隱體花帳前輕
絮鶴毛起欲說春心無所似

苦晝短

飛光飛光勸爾一杯酒吾不識青天高黃地厚唯
見月寒日煖來煎人壽食熊則肥食蛙則瘦神君
何在太一安有天東有若木下置銜燭龍吾將斬

龍足嚼龍肉使之朝不得回夜不得伏自然老者
不死少者不哭何為餌黃金吞白玉誰似任公子
雲中騎白驢劉徹茂陵多滯骨嬴政梓棺費鮑魚
章和二年中
雲蕭索風拂拂麥芒如萋黍如粟關中父老百領
襦關東吏人之詬祖健犢春耕土膏黑葛蒲叢叢
沿水脉殷勤為我下田租百錢攜償絲桐客遊春
漫光塢花白野林散香神降席拜神得壽獻天子
七星貫斷姮娥死

春歸昌谷

束髮方讀書謀身苦不早終軍未乘傳顏子鬚先
老天網信崇大矯士常嗟嗟逸日駢甘華羈心如
荼蓼早雲二三月岑岫相顛倒誰揭頰玉盤東方
發紅照春熟張鶴蓋兔目官槐小思焦面如病嘗
膽腸似絞京國心爛漫夜夢歸家少發軔東門外
天地皆浩浩青樹驪山頭花風滿秦道宮臺光錯
落裴畫徧峰嶠細綠及圍紅當路雜啼笑香風下
高廣鞍馬正華耀獨乘雞樓車自覺少風調心曲
語形影祇身馬足樂豈能脫負擔刻鶴曾無兆幽
幽太華側老栢如建纛龍皮相排戛翠羽更蕩掉

驅趨委憔悴眺覽強笑貌花蔓闋行轉毅烟冥深
傲少健無所就入門愧家老聽講依大樹觀書臨
曲沼知非出柙虎甘作藏霧豹韓鳥處繪繳湘儵
在籠罩狹行無廓落壯士徒輕躁

昌谷詩

昌谷五月稻細青滿平水遙巒相壓疊頽綠愁墮
地光潔無秋思涼曠吹浮媚竹香滿淒寂粉節塗
生翠草髮垂恨鬢光露泣幽淚層圍爛洞曲芳徑
老紅醉攢蟲鏤古柳蟬子鳴高邃大帶委黃葛紫
蒲交狹浹石錢差復藉厚葉皆蟠膩汰沙好平白

立馬印青字晚鮮自遨遊瘦鵠暝單跼濕姑
聲咽源驚濺起紆緩玉真路神娥蕙花裏苔絮縈
澗礫山實垂頰紫小栢儼重扇肥松突丹髓鳴流
走響韻壠秋拖光穉鶯唱閨女歌瀑懸楚練帔風
露滿笑眼駢叢雜舒陸亂條迸石嶺細頸喧島恣
日脚掃昏翳新雲啓華闕謚謚厭夏光高風道清
氣高眠復玉容燒桂祀天儿霧衣夜披拂眠壇夢
真粹待駕棲鸞老故宮椒壁圯鴻隴數鈴響羈臣
發涼思陰藤束朱鍵龍帳著魑魅碧錦帖花檀香
衾事殘貴歌塵蠹木在舞綵長雲似珍壤割綉段

里俗祖風義隣凶不相杵疫病無邪祀鮎文識仁
惠州角知醜耻縣省司刑官戶之詬租吏竹藪添
墮簡石磯引鈎餌溪灣轉水帶芭蕉傾蜀紙岑光
晃穀襟孤景拂繁事泉樽陶宰酒月眉謝郎妓丁
丁幽鍾遠矯矯單飛至霞獻啟差峩危溜聲爭次
淡蛾流平碧薄月眇陰悴涼光入澗岸廓盡山中
意漁童下宵網霜禽竦烟翅潭鏡滑蛟涎浮珠噉
魚戲風桐瑤匣瑟螢星錦城使柳綴長縹帶篁掉
短笛吹石根綠綠蘚蘆筍抽丹漬漂旋弄天影古
檜挈雲臂愁月薇帳紅冒雲香蔓刺芒麥平百井
閒乘列千肆刺促成幾人好學鴟夷子

銅駝悲

落魄三月罷尋花去東家誰作送春曲洛岸悲銅
駝橋南多馬客北山饒古人客飲杯中酒駝悲千
萬春生世莫徒勞風吹盤上燭厭見桃株笑銅駝
夜來哭

自昌谷到洛後門

九月大野白蒼岑竦秋門寒涼十月末雪霰濛濛
昏澹色結晝天心事真空雲道上千里風野竹蛇
涎痕石澗凍波聲雞叫清寒晨強行到東舍解馬

枚舊鄰東家名廖者鄉曲傳姓辛杖頭非飲酒吾
請造其人始欲南去楚又將西適秦襄王與武帝
各自留青春聞道蘭臺上宋玉無歸魂緗縹兩行
字螿蟲蠹秋芸為探秦臺意豈命余負薪

七月一日曉入太行山

一夕遠山秋香露溼蒙蒙新橋倚雲阪候蟲新露
樸洛南今已遠越衾誰為熟石氣何淒淒老莎如
短鏃

秋涼詩寄正字十二兄

閉門感秋風幽姿任契濶大野生素空天地曠蕭

殺光露泣殘蕙蟲響連夜發房寒寸輝薄迎風絳
紗折披書古芸馥恨唱華容歌百日不相知花光
變涼節弟兄誰念慮殘翰既通達青袍度白馬艸
簡奏東闕夢中相聚笑覺見半牀月長思劇尋環
亂憂抵草葛

艾如張

錦襜褕繡襦強飲啄哺爾雞隴東卧穉滿風雨
莫信良媒隴西去齊人織網如素空張在野山平
碧中網絲漠漠無形影誤爾觸之傷首紅艾葉綠
花誰剪刻中藏禍機不可測

上雲樂

飛香走紅滿天春花龍盤盤上紫雲三千宮女列
金屋五十絃瑟海上聞天江碎：銀沙路羸女機
中斷烟素縫舞衣八月一日君前舞

摩多樓子

玉寒去金人二萬四千里風吹沙作雲一時渡遼
水天白水如練甲絲雙串斷行：莫苦辛城月猶
殘半曉氣朔煙上趄起胡馬啼行人臨水別隴水
長東西

猛虎行

長戈莫春強弩莫桿乳孫哺子教得生惇舉頭為
城掉尾為旌東海黃公愁見夜行道逢騶虞牛哀
不平何用尺刀壁上雷鳴泰山之下婦人哭聲官
家有程吏不敢聽

日出行

白日下崑崙發光如舒絲徒照葵藿心不照遊子
悲折折黃河曲日從中央轉暘谷耳曾聞若木眼
不見奈爾鑠石胡為銷人弄彎弓屬矢那不中足
令人不見奔詎教晨光夕昏

苦篁調嘯引

請說軒轅在時事伶倫採竹二十四伶倫採之自
崑丘軒轅詔遣中分作十二伶倫以之正音律軒
轅以之調元氣當時黃帝上天時二十三管咸相
隨唯留一管人間吹無德不能得此管此管沉埋
虞舜祠

拂舞歌詞

吳娥聲絕天空雲間徘徊門外滿車馬亦須生綠
苔樽有烏程酒勸君千萬壽全勝漢武錦樓上曉
望晴寒飲花露東方日不破天光無老時丹成作
蛇乘白霧千年重化玉井土從蛇作土二千載吳

堤綠艸羊年在背有八卦稱神仙邪鱗頑甲滑腥
涎

夜坐吟

踏踏馬蹄誰見過眼看北斗直天河西風羅幕生
翠波鉛華笑妾顰青蛾為君起唱長相思簾外嚴
霜皆倒飛明星爛爛東方陸紅霞稍出東南淮陸
即去矣乘斑駁

筮篔引

公乎公乎提壺將馬如屈平沉湘不足慕徐衍入
海誠為愚公乎公乎牀有管席盤有魚北里有賢

兄東隣有小姑娘隴畝油油黍與葫瓦甌濁醪蟻浮
浮黍可食醪可飲公子公子其奈君被髮奔流竟
何如賢兄小姑哭嗚嗚

巫山高

碧叢叢高挿天大江翻瀾神曳煙楚魂尋夢風颺
然曉風飛雨生苔錢瑤姬一去一千年丁香筇竹
啼老猿古祠近月蟾桂寒椒花墜紅濕雲間

平城下

饑寒平城下夜々守明月別劍無玉花海風斷髯
髮塞長連白空遙見漢旗紅青帳吹短笛煙霧濕
畫龍日晚在城上依稀望城下風吹枯蓬起城中
嘶瘦馬借問築城吏去關幾千里惟愁裹屍歸不
惜倒戈死

江南弄

江中綠霧起涼波天上疊巘紅差莪水風浦雲生
老竹渚暝蒲帆如一幅鱸魚千頭酒百斛酒中倒
卧南山綠吳餒越吟未終曲江上團團帖寒玉

榮華樂

鳶肩公子二十餘齒編具脣繳朱氣如虹兒飲如
建瓴走馬夜歸叫嚴更徑穿複道遊椒房龍裘金

玳雜花光玉堂調笑金樓子臺下戲學邯鄲倡口
吟舌話稱女郎錦袿綉面漢帝旁得明珠十斛白
璧一雙新詔垂金曳紫光煌煌馬如飛人如水九
卿六官皆望履將迴日月先反掌欲作江河唯畫
地栽栽虎冠上切雲竦劍晨趨凌紫氛繡段千尋
貽皂隸黃金百鎰貺家臣十二門前張大宅晴春
烟起連天碧金鋪綴日雜紅光銅龍齧環似爭力
瑤姬凝醉卧芳席海素籠牕空下隔丹穴取鳳充
行庖糶、如拳那足食金蟾呀、蘭燭香軍裝武
妓聲琅璫誰知花雨夜來過但見池臺春艸長嘈

嘈絃吹匝天開洪崖簫聲遠天來天長一矢貫雙
虎雲死絕騁聒早雷亂袖交竿管見舞吳音綠鳥
學言語能教刻石平紫金解送刻毛寄新兔三皇
皇后七貴人五十校尉二將軍當時飛去逐彩雲
化作今日京華春

相勸酒

羲和騁六轡晝夕不曾閒彈烏崦嵫竹扶馬蟠桃
鞭蓐收旣斷翠柳青帝又造紅蘭堯舜至今萬、
歲數子將為傾蓋問青錢白璧買無端丈夫憶快
方為歡臞臞熊何足云會須鍾飲北海箕踞南

山歌淫淫管情情橫波好送雕題金人生得意且
如此何用強知元化心相勸酒終無輟伏願陛下
鴻名終不歇子孫綿如石上葛來長安車駢中有
梁冀舊宅石崇故園

瑤華樂

穆天子走龍媒八轡冬隴逐天迴五精掃地凝雲
開高門左右日月環四方錯鏤稜層殷舞霞垂尾
長盤珊江澄海淨神女顏施紅點翠照虞泉曳雲
拖玉下崑山列旆如松張蓋如輪金風斂秋清明
發春八鑿十乘轟如雲屯瓊鍾瑤席甘露文玄霜
絳雪何足云薰梅染柳將贈君鉛華之水洗君骨
與君相對作真質

北中寒

一方黑照三方紫黃河水合魚龍死三尺水皮斷
文理百石強車上河水霜花艸上大如錢揮刀不
入迷濛天爭澹海水飛凌喧山瀑無聲玉虹懸

梁臺古愁

梁王臺沼空中立天河之水夜飛入臺前鬪玉作
蛟龍綠粉掃天愁露濕撞鐘飲酒行射天金虎蹙
裘噴血班朝朝暮暮愁海翻長繩繫日樂當年美

蓉凝紅得秋色蘭臉別春啼脉脉蘆洲客鴈報春
未寥落野湟秋漫白

公無出門

天迷迷地密密熊羆食人鬼雪霜斷人骨嗾犬唁
言相索索舐掌偏宜佩蘭客帝遣乘軒灾自滅玉
星點劔黃金軛我雖跨馬不得還歷陽湖波大如
山毒虬相視振金環後視猥猥吐霓涎鮑焦一世
披艸眠顏回廿九鬢毛斑顏回非血衰鮑焦不違
天天畏遭齧齧所以致之然分明猶懼公不信公
看呵壁書問天

神絃曲

西山日沒東山昏旋風吹馬踏雲畫絃素管聲
淺繁花裙綵縵步秋塵桂葉刷風桂墜子青狸哭
血寒狐死古壁彩虬金帖尾兩工騎入秋潭水百
羊老鴉成木魅笑聲碧火巢中起

神絃

女巫澆酒雲滿空玉爐炭火香齾齾海神山鬼來
座中紙錢窸窣窸窣鳴颼風相思木帖金舞鸞攢蛾一
唳重一彈呼星召鬼歆杯盤山魅食時人森寒終
南日色低平灣神兮長在有無間神嗔神喜師更

顏送神萬騎還青山

神絃別曲

巫山小女隔雲別春風松花山上發綠蓋獨穿香
逕歸白馬花竿前孑孑蜀江風澹水如羅墮蘭誰
泛相經過南山桂樹為君死雲衫淺污紅脂花

綠水詞

今宵好風月阿侯在何處為有傾人色翻成足愁
苦東湖採蓮葉南湖拔蒲根未持寄小姑且持感
秋魂

沙路曲

柳臉半眠丞相樹珮馬釘鈴踏沙路斷燼遺香裊
翠烟燭騎帶鳴上天去帝家玉龍開九闕帝前動
笏移南山獨垂重印押千官金窠篆字紅屈盤沙
路歸來聞好語旱火不光天下雨

上之回

上之回大旗喜懸紅雲撻鳳尾劔匣破舞蛟龍蚩
尤死鼓逢逢天齊慶雷齊墮地地無驚煙海千里

高軒過

華裾織翠青如蔥金環壓轡搖玲瓏馬蹄隱耳聲
隆隆入門下馬氣如虹云是東京才子文章鉅公

二十八宿羅心胸元精耿、貫當中殿前作賦聲
摩空筆補造化天無功龐眉書客感秋蓬誰知死
艸生華風我今垂翅附冥鴻他日不羞蛇作龍

貝宮夫人

丁丁海女弄金環雀釵翹揭隻翅閑六宮不語一
生間高懸金榜照青山長眉凝綠幾千年清涼堪
老鏡中驚秋肌稍覺玉衣寒空光帖妥水如天

蘭香神女廟

古春羊羊在間綠搖暖雲松香飛晚華柳渚含日
昏沙砲落紅滿石泉生水芹幽篁畫新粉蛾綠橫

曉門弱蕙不勝露山秀愁空春舞珮剪鸞翼帳帶
塗輕銀蘭桂吹濃香菱藕長莘莘看雨逢瑤姬乘
船直江君吹簫飲酒醉結綬金絲裙走天呵白鹿
遊水鞭錦鱗密髮虛鬟飛賦頰凝花勻團髻分珠
窠穠眉籠小脣弄蝶和輕妍風光怯腰身深闌金
鴨冷奩鏡幽鳳塵踏霧乘風歸撼玉山上門

送韋仁實兄弟入關

送客飲別酒千觴無赭顏何物最傷心馬首鳴金
環野色浩無主秋明空曠間坐未壯膽破斷目不
能看行槐引西道青梢長攢、韋郎好兄弟疊玉

生文翰我在山上舍一畝蒿碓田夜雨叫租吏春
聲暗交闌誰解念勞勞蒼突唯南山

洛陽城外別皇甫湜

洛陽吹別風龍門起斷烟冬樹東生澁晚紫凝華
天單身野霜上瘦馬飛蓬間凭軒一雙淚奉陸綠
衣前

溪晚涼

白狐向月號山風秋寒掃雲留碧空玉煙青濕白
如幢銀灣晚轉流天東溪汀眠鷺夢征鴻輕連不
語細游溶層岫迴岑復疊龍苦篁對客吟歌筒

官不來題皇甫湜先輩廳

官不來官庭秋老桐錯幹青龍愁書司曹佐走如
牛疊聲問佐官來否官不來門幽幽

長平箭頭歌

漆灰骨未丹水沙淒淒古血生銅花白翎金箭兩
中盡直餘三春殘狼牙我尋平原乘雨馬驛東石
田蒿塢下風長日短星蕭蕭黑旗雲濕懸空夜左
魂右鬼啼肌瘦酪瓶倒盡將羊炙蟲棲鴈病蘆筍
紅迴風送客吹陰火訪古汎瀾收斷鏃折鋒赤壘
會封肉南陌東城馬上兒勸我將金換蒼竹

江樓曲

樓前流水江陵道
鯉魚風起芙蓉老
曉釵催鬢語
南風抽帆歸來一日功
鼉吟浦口飛梅雨
竿頭酒旗換青苧
簫聲浪白雲差池
黃粉油衫寄郎主
新槽酒聲苦無力
南湖一傾菱花白
眼前便有千里愁
小玉開屏見山色

塞下曲

胡角引北風
薊門白於水
天含青海道
城頭月千里
露下旗濛濛
寒金鳴夜刻
蕃甲鑲蛇鱗
馬嘶青塚白
秋靜見旄頭
沙遠席羈愁
帳北天應盡
河聲

出寒流

染絲上春機

玉甕汲水桐花井
絲舊沉水如雲影
美人懶態燕脂愁
春梭拋擲鳴高樓
綵線結茸背
複疊白袷玉郎寄
桃葉為君挑
鸞作腰綬
願君處：宜春雪

五粒小松歌并序

前謝秀才杜雲卿命予作五粒小松歌
予以選書多事不治
曲辭經十日聊道八句以當命意
蛇子蛇孫鱗蜿蜿
新香幾粒洪崖飯
綠波浸葉滿
濃光細束龍髯
剪刀剪主人壁上鋪
州圖主人堂

前多俗儒月明白露秋淚滴石筍溪雲宜寄書

塘上行

藕花涼露濕花缺藕根漉飛下雌鴛為塘水聲溘
溘

呂將軍歌

呂將軍騎赤兔獨攜大膽出秦門金粟堆邊哭陵
樹北方逆氣汗青天劔龍夜叫將軍間將軍振袖
揮劔鐸玉關未城有門閣榼榼銀龜搖白馬傳粉
女郎火旗下恒山鐵騎請金槍遙聞箬中花箭香
西郊寒蓬葉如刺皇天親栽養神驥廐中高桁排
蹇蹄飽食青藜飲白水圓蒼低迷蓋張地九州人
事皆此赤山秀鋌禦時英綠眼將軍會天意

休洗紅

休洗紅洗多紅色淺卿：騁少年昨日啟橋見封
侯早歸來莫作絃上箭

野歌

鷓鴣翎羽箭山桑弓仰天射落街蘆鴻麻衣黑肥衝
北風帶酒晚日歌田中男兒屈窮心不窮枯榮不
等嗔天公寒風又變為春柳條：看即烟濛濛

將進酒

琉璃鍾琥珀濃小槽酒滴真珠紅烹龍炮鳳玉脂
泣羅屏繡幕圍香風吹龍笛擊鼉鼓皓齒歌細腰
舞況是青春日將暮桃花亂落如紅雨勸君終日
酩酊醉酒不到劉伶墳上土

美人梳頭歌

西施曉夢綉帳寒香鬟墮髻半沉檀轆轤啞轉
鳴玉驚起芙蓉睡新足雙鸞開鏡秋水光解鬟臨
鏡立象牀一編香絲雲撒地玉釵落處無聲膩纖
手却盤老鴉色翠滑寶釵簪不得春風爛熳惱嬌
慵十八鬟多無氣力粧成髮髻不斜雲裾數步
踏鴈沙背人不語向何處下階自折櫻桃花

月漉漉篇

月漉漉波烟玉莎青桂花繁芙蓉別江木粉態袂
羅寒鴈羽鋪烟濕誰能看石帆乘船鏡中入秋白
鮮紅死水香蓮子齊挽菱隔歌袖綠刺胃銀泥

京城

驅馬出門意牢落長安心事兩誰向道自作秋風
吟

官街鼓

曉聲隆、催轉日暮聲隆、呼月出漢城黃柳映

新簾栢陵飛燕埋香骨
碓發千年日長白
孝武秦王聽不得
從君翠髮蘆花色
獨共南守中國幾
迴天上葬神仙
漏聲相將無斷續

許公子鄭姬歌

許史世家外親貴
宮錦千端買
沉醉銅駝酒
熱烘明膠古堤大
柳烟中翠桂開
客花名鄭袖
入洛聞香鼎
門口先將芍藥獻
粧臺後解黃金大
如斗莫愁簾中許
合歡清弦五十為
君彈彈聲春弄君
骨骨興牽人馬上
鞍兩馬八蹄踏
蘭苑情如合竹誰
能見夜光玉枕樓
鳳凰袷羅當門刺
純綫長翻蜀

新夏歌

紙卷明君轉角含
商破碧雲
自從小靨來
東道曲裏長眉少
見人相如墳上生
秋栢三春誰是言
情客蛾鬟醉眼拜
諸宗為謁皇孫
請曹植
曉木千籠真蠟
絲落蒂枯香數分
在陰枝拳牙卷
縹帶長風迴氣扶
蔥籠野家麥畦上
新籠長吟徘徊
徊桑柘重刺香
滿地菖蒲艸雨梁
燕語悲身老三
月搖楊入河道
天濃地濃柳梳掃

題歸夢

長安風雨夜
書客夢昌谷
怡怡中堂笑
小弟栽澗

葉家門厚重意望我飽饑腹勞勞一寸心燈花照魚目

經沙苑

野水泛長瀾宮牙開小箬無人柳自春艸渚鴛鴦
暖晴嘶臥沙馬老去悲啼展今春還不歸塞嚶折翅鴈

出城別張又新酌李漢

李子別上國南山崆峒春不聞今夕鼓差慰煎情
人趙壹賦命薄馬卿家業貧鄉書何所報紫葢生
石雲長安玉桂國戟帶披侯門慘陰地自光寶馬

踏曉昏臘春戲草苑玉輓鳴驄鞦韆綠網緹金鈴霞
卷清地濬開貫瀉跌毋買冰防夏蠅時宜裂大被
劔客車盤茵小人如死灰心切生秋榛皇圖跨四
海百姓施長紳光明藹不發腰龜徒覓銀吾將譟
禮樂聲調摩清新欲使十千歲帝道如飛神華實
自蒼老流耒長傾盆沒：暗齧舌涕血不敢論今
將下東道祭酒而別秦六郡無勦兒長刀誰拭塵
地理陽無正快馬逐服轅二子美年少調道講清
渾譏笑斷冬夜家庭竦蓀穿曙風起四方秋月當
東懸賦詩面投擲悲哉不遇人此別定露臆越布

先裁巾

李長吉外集

南園

方領蕙帶折角巾杜若已老薊茗春南山削秀藍
玉合小雨歸去飛涼雲熟杏暖香梨葉老草梢竹
柵鎖池痕鄭公鄉老開酒尊坐泛楚奏吟招魂

假龍吟歌

石乾銅杯吟詠枯瘁蒼鷹擺血白鳳下肺桂子自
落雲弄車蓋木死沙崩惡谿島阿母得仙今不老
窩中跳汰截清涎隈壩卧水埋金爪崖磴蒼苔吊
石髮江君掩帳篔簹折蓮花去國一千年雨後開

醒猶帶鐵

感調六首

人間春蕩、帳暖香揚、飛光染幽紅、誇嬌來洞房、舞席泥、蛇桐竹羅花牀、眼逐春暝、醉粉隨淚色、黃王子下馬來、曲沼鳴鴛、鴛鴦馬知勝、車轉一夕、巡九方

二

苦風吹朔寒、沙驚秦水折、舞影逐空天、畫鼓餘清節、蜀書秋信斷、黑水朝波咽、嬌魂從回風、死處懸鄉月

三

雜雜胡馬塵、森森邊士戟、天教胡馬戰、曉雲皆血色、婦人攜漢卒、箭箠囊巾、帽不慙、金印重、踉蹌腰鞬、力恂恂、鄉門老作夜、試鋒鏑、走馬遣書、勳誰能分粉墨

四

青門放彈去、馬色連空郊、何年帝家物、玉裝鞍上搖、去去走犬歸、來來坐烹羔、千金不了饌、格肉稱盤、臊試問誰家子、乃老能佩刀、西山白蓋下、賢俊寒蕭蕭

五

曉菊泣寒雲似悲團扇風秋涼經漢殿班子泣衰
紅本無辭輦意豈見入空宮腰袂珮珠斷灰蝶生
陰松

六

蝶飛紅粉臺柳掃吹笙道十日懸戶庭九秋無衰
艸調歌送風轉杯池白魚小水宴截香腴菱科映
青罩羊蒙梨花滿春昏弄長嘯唯愁苦花落不悞
世哀到撫舊唯銷魂南山坐悲嘯

莫愁曲

艸生龍坡下鴉噪城堞頭何人此城裏城角栽石
榴青絲繫五馬黃金絡雙牛白魚駕蓮船夜作十
里游歸來無人識暗上沉香樓羅牀倚瑤瑟殘月
傾簾鈎今日槿花落明朝桐樹秋莫負平生意何
名何莫愁

夜來樂

紅羅複帳金流蘇華燈九枝懸鯉魚麗人映月開
銅鋪春水滴酒猩猩沽價重一篋香十株赤金瓜
子兼雜焚五色絲封青玉鳧阿侯此笑千萬餘南
軒漢轉簾影踈桐林啞啞挾子烏劔崖鞭節青石

珠白鬪吹湍凝霜鬚漏長送珮承明廬倡樓嗟叢
明月孤續客下馬故客去綠蟬秀黛重拂梳

嘲雪

昨日發蔥嶺今朝下蘭渚喜從千里來亂笑含春
語龍沙濕漠旗鳳扇迎秦素久別逢城鶴毛衣已
應故

春懷引

芳溪密影成花洞柳結濃烟花帶重蟾蜍碾玉挂
明弓捍撥袞金打仙鳳寶枕垂雲選春夢鈿合碧
寒龍腦凍阿侯繫錦覓周郎憑仗東風好相送

白虎行

火烏日暗崩騰雲秦皇虎視蒼生群燒書滅國無
暇日鑄劍佩玦呼將軍玉壇設醮思冲天一世二
世當萬年燒丹未得不死藥挈舟海上尋神仙鯨
魚張鬣海波沸耕人半作征人鬼雄豪猛焰烈燒
空無人為決天河水誰最苦兮誰最苦報人義士
深相許漸離擊筑荆卿歌荆卿把酒燕丹語劍如
霜兮膽如鐵出燕城兮望秦月天授秦封祚未終
袞龍衣點荆卿血朱旗卓地白虎死漢皇知是真
天子

有所思

去年陌上歌離曲今日君書遠遊蜀簾外花開二月風臺前淚滴千行竹琴心與妾腸此夜斷還續想君白馬懸雕弓世間何處無春風君心未肯鎮如石妾顏不久如花紅夜殘高碧橫長河河上無梁空白波西風未起悲龍梭年年織素攢雙蛾江山迢遞無休絕淚眼看燈乍明滅自從孤館深鎖牕桂花幾度圓還缺鴉：向曉鳴森木風過池塘響叢玉白日蕭條夢不成橋南更問仙人卜

朝少年

青驄馬肥金鞍光龍腦入縷羅衫香美人扶坐飛瓊觴貧人喚云天上郎別起高樓臨碧篠絲曳紅鱗出深沼有時半醉百花前背把金丸落飛鳥白說生來未為客一身美妾過三百豈知斲地種田家官稅頻催没人織長金積玉誇豪教每揖間人多意氣生來不讀半行書只把黃金買身貴少年安得長少年海波尚變為桑田榮枯遞傳急如箭天公豈肯與公偏莫道韶華鎮長在髮白面皺專相待

高平縣東私路

侵：榭葉香木花滯寒雨今夕山上秋永謝無人
處石溪遠荒澁棠實懸辛苦古者定幽尋呼君作
私語

神仙曲

碧峯海面藏靈書上帝揀作仙人居清明笑語聞
空虛鬪乘巨浪騎鯨魚春羅書字邀王母共宴紅
樓最深處鶴羽衝風過海遲不如却使青龍去猶
疑王母不相許垂霧娃鬟更轉語

龍夜吟

鬢髮胡兒眼睛綠高樓夜靜吹橫竹一聲似向天

上來月下美人望鄉哭直排七點星藏指暗合清
風調宮徵蜀道秋深雲滿林湘江半夜龍驚起玉
堂美人邊塞情碧牕皓月愁中聽寒砧能擣百尺
練粉淚凝珠滴紅泉胡兒莫作隴頭吟隔窻暗結
秋人心

崑崙使者

崑崙使者無消息茂陵烟樹生愁色金盤玉露白
淋漓元氣茫：收不得麒麟背石文裂虬龍鱗
下紅肢折何處偏傷萬國心中天夜久高明月

嘆唐姬飲酒歌

御服沾霜露天衢長綦棘金隱秋塵婆無人為帶
飾玉堂歌聲寢芳林烟樹隔雲陽臺上歌鬼哭復
何益仗劔明秋水兇威屢脅通彊梟筮母心犇厲
索人魄相看兩相泣淚下如波激寧用清酒為欲
作黃泉客不說玉山頽且無飲中色勉從天帝訴
天上寡沈厄無處張總帷如何望松栢妾身晝團
團君魂夜寂、蛾眉自覺長頸粉誰憐白矜持昭
陽意不肯即南陌

聽穎師琴歌

別浦雲歸桂花渚蜀國絃中雙鳳語芙蓉葉落秋
鸞離越王夜起遊天姥暗佩清臣敲水玉渡海蛾
眉牽白鹿誰看挾劔赴長橋誰看浸髮題春竹竺
僧前立當吾門梵宮真相眉稜尊古琴大軫長八
尺嶧陽老樹非桐孫涼館聞絃驚病客藥囊暫別
龍鬚席請歌直請鄉相歌奉禮官卑復何益

謠俗

上林胡蝶小試伴漢家君飛向南城去誤落石榴
裙脈脈花滿樹翻、燕遶雲出門不識路差問陌
頭人

卷之四